

Akwuck ke Mwe Kasruh ke Mani ac Mwe Kasruh ke Mongo

INEN MWET SUC ENENUH KASRUH (SIFWEN SUCU)

NEPUH LAL MWET SUC ENENUH KASRUH

Ma Konom (Ma kom enenuh in oruh)

- **Use nuh sesr etauk lom in liyac fin kom kuh in akfalyac akwuck in eis mwe kasruh.**
- **Oruh mwe akpayeye ke kuht enenuh.** Saap kuht kuh in kasre kom in eis ma inge. Ma kom akkuteye kuh in sulpac liyac fin pwacye ke u luhn ofis ke mutunfaci ac ofis luhn acn. Ke kuht liyac fin pwacye kuht kuh in eis etauk lom sin mwet ma orkema ke u se inge kuh mwet polis.
- **Etau kom fahk nuh sin U se inge ke akwuck in kasruh ac karungin manol** kuh in kasre kom kuh tiac kasre kom in eis mwe kasruh luhn U ke kol akwuck in Karungin manol ac mwe kasruh ma tukuh ke U ke kol akwuck in Karungin manol.
- **Fahk ma eklac** (mwe pupulyuck: lohm uh, mani kom eis, ke kutuh ma) in akfalye akwuck ke WAC 388-418-0005. Kom enenuh in fahk ke lwen singuol ke malwem tok uh.
- **Oruh ma luhn U ke Sang Kasruh nuh Sin Tulihk siyuck (DCS)** kom fin eis mwe kasruh ke TANF. Kom enenuh sang etauk nuh sin U in DCS ke oruh in wo, fahk ma eklac, kuh kasrel ac karuinginal tulihk (kuh tulihk pucspucs) suc kom liyang ac fahk suwos suc papah tumel pwacye (fin eltacl siyuck). Kom fin tiac sang kasruh nuh sin U ke DCS ke sripen kom lulalfongi lah kom fin fahk kutuh etauk kel sin U ke DCS ma inge kuh in kasrel papah ac ninac suc tiac karuinginal tacl in eis tulihk uh.
- **Siyuck U Sayac in Kasruh** ac siyuck sel ke akwuck fukah kuh in oruh in eis mwe kasruh ke mani kac.
- **Akfalye kuh oruh pwepuh nukewa ke ripoht ac kalweni.**
- **Oruh ma eltacl siyuck in akfalye orekma** ke eis mwe kasruh ke mani ac mwe kasruh ke mwe mongo.
- **Fahk nuh sesr** kom fin luhngse mwet sayac in orekmakihn kasruh in mwe mongo ac aol kom in orekmakihn ma inge.
- **Oruh akwuck ke U se inge in liyac ac kalweni fin akwuck se in pa wo kuh koluhk.**
- **Orekmakihn mwe kasruh ke moli mongo** sin mwet suc muhtuna ke lohm uh mukena.
- **Orekmakihn mwe kasruh ke mani** sin mwet suc muhtuna ke lohm uh mukena.
- **Kom enenuh in akkalemye nempuh ke social (SSN)** kuh fin kom muhtuna ke acn Merikac ke mutunfaci lelu kom in muhtuh we kom kuh in akkalemye ma inge fin kom luhngse eis mwe kasruh kac. Kom fin tiac fahk nempuh ke social SSN's kuh akwuck in muhtuna ke sucu nukewa, mani nukewa kom eis ke orekma lom tacl enenuh in wek ac liyac fin pwacye kuh situu met liki kom kuh in eis mwe kasruh.

Ma lom (Kuht Enenuh)

- **Kuht fah eis pwepuh in siyuck kasruh** fin oasr tari inem, acn in muhtuna, simuslah lom, kuh simuslah sin mwet suc kuh kom srisrnigal in simuslah kac.
- **Kasruh kom in orwaclah pwepuh ke DSHS.**
- **Oruh** mwe siyuck lom ke kasruh in eis mwe mongo ke lusen lwen itkosr fin kom akfalye akwuck se inge ac kuh in kasre kom in oruh ke pacl nuh sa.
- **Usot pwepuh ma akkalemye kom eis tari ma inge** kom fin siyuck ke pacl kom sang nuh sel pwepuh pucspucs.
- Usot pwepuh in sulelah lal natum ke apkuran lusen lwen tolnoul.
- **Kom fuh tiac fahk ma inge ke U ke Ma Situu Orek Ke Pacl Nuh Sa (FRED)** ke mwet lal tukuh yurim ke ofis lal inge. Kom tiac enenuh mwet se in utyak ke lohm uh. Kom kuh in siyuck sel in folohko ke pacl sayac. Ma inge tiac fah kufuslah ma sulela lal in usot mwe kasruh lom.
- **Kom kuh in siyuck in oruh pacl in sramsram ke akwuck inge** kom fin tiac insese ke ma sulela lal ke U se. Kom kuh in oruh akwuck kel mwet kol ke U in kalweni ac akuteye meac ma situu sikyuck ac ma inge tiac fah kufusla ma sulela lal in kasre kom.
- **Kuht enenuh in fahk nuh sum** lah oasr masap se in orwaclah ma inge ke lusen malwem onguol ke prokram suc pangpang Mwe Kasruh ke Sucu suc Enenuh Kasruh ke kitin pacl uh (TANF). Akwuck ke pacl in malwem onguol inge tiac kapasr nuh ke prokram in kasruh mwe mongo, kuh prokram in kasruh tulihk uh.

Ma kom enenuh ke card nutum ke EBT

- **Ma kom oruh ke mwe kasruh inge ke luman koluhk:** Nuh ke mwe kasruh nuh ke mwe mongo ac mani oasr ke card nutum ke EBT ma tukuh sin U DSHS kuh in akkalemye lah kom orekmakihn card nutum fukah. U se inge kuh in orekmakihn mwe fakahk in liyac lah kom fin orekmakihn mwe kasruh ke inkacnek wo kuh inkacnek koluhk. (in kukackihn ma kom eis nuh sin mwet sayac).
- **In eis card nutum ke EBT sasuc:** kuht kuh in oruh kom in moli card nutum ke EBT sasuc. Sruokye ac karungin card nutum ke EBT ac esam nempuh in liyac lah ma lom inge (PIN).
- **Oasr mwe kasruh yohk ke Card Nutum ke EBT:** kom fin tiac orekmakihn mwe kasruh suh oasr ke card nutum ac ma inge akyohkye ke lusen kutuh malwem, kuht kuh in kalweni mwe enenuh lom in liyac kom fin arle enenuh mwe kasruh kuh tiac.

Ma Kom Enenuh in Kalwem (Kain in Mwe Mongo kom Enenuh)

- **Kuht tiac supwema etauk** sin mwet suc siyuck kasruh ke mwe kasruh ke kain in mwe mongo kom enenuh sin U ke mutunfacl sayac se inge ac prokram sayac in liyac lah ma kom fahk pa pwacye. Fin etauk pa situu, mwet uh suc siyuck kasruh kac mwe mongo inge saap tiac kuh in eis mwe kasruh kac. Mwet uh fin el tacl arle etuh nuh pwacye lah mwe fakahk pa situu, kuh in sun acn in nununkuh ac sang mani kel kuh tiac kuh in wi prokram se inge ac oyac pac kuh in som ne kalbus ke sripen el kanauslah masap ke prokram se inge.
- **Kom fin kakackunul ma lom, kuh sang ac eis mwe kasruh ke mongo nom** in eis mani, drugs, kuh kutena ma in orek ma sulalel, kuh kutena ma sayacn sitoa (ke sang ac eis) kom fah tiac kuh in tafwela in eis mwe kasruh ke mwe mongo inge ke lusen yea se kuh ke lusen moul lom kom fin akwuck se inge ke ke pacl simet. Kom tiac kuh in eis mwe kasruh inge kom fin mukuikui ke acn sayac ke state ac som liki Washington State.
- **Fin el tacl siyuck sum in sang kasruh ke prokram ke Mwe Mongo inge**, ac kom tiac sang kasruh kac, kom kuh in tiac eis kasruh ke mwe mongo ke malwem se nuh ke kom sang kasrel tacl ke pacl simet taria; malwem tolu ke kom tiac sang kasruh ke pacl akluo taria; ac malwem onkosr ke kom tiac sang kasruh ke pacl aktolu taria ac oana sie ke malwem tokuh kom fin tiac sang kasruh kac.
- **El tacl kuh in eis lac kom ke prokram ke Kasruh in Mwe Mongo** inge kom fin kanausla masap ke prokram se inge suc akkuteyucki ke akwuck in Mwe Mongo inge ke pwepuh se inge.
- **Fahk ma kom enenuh in mol sin U se inge ac el tacl kuh in wi pac ripohst se ke mwe kasruh ke Mwe Mongo.** Kom fin tiac fahk kuh akuteye ma kom enenuh in mol, el tacl fah pangon lah kom tiac arle enenuh el tacl in akoyhkye mwe kasruh ke mwe mongo.

Ma Kom Enenuh in Etuh (Mani)

- **Ke kom eis kasruh nuh sin U ke Mwe Kasruh ke Sucu suc Enenuh Kasruh ke kitin pacl uh (TANF)** kom lela tulihk nutum ac mukul tumom kuh mutan kiyom in eis kasruh ma tukuh ke U ke Kasrel Tulihk (DCS). U ke DCS kuh in sruokye mwe kasruh lom nuh ke mwe kasruh ekasr kom eis tari ma tukuh ke prokram se inge. **Kom enenuh in fahk ke pacl nuh sa sin DCS kom fin eis mwe kasruh kel tulihk kuh mwe kasruh sayac** sel tulihk uh kom eis ke lusen pacl kom wi prokram ke TANF.
- **Kom fin tiac eis mwe kasruh ma tukuh ke TANF** kom enenuh in fahk ke pacl nuh sa sin DCS ma eklac kel tulihk uh, oana fin tulihk uh mukuikui ac muhtuh ke acn sayac kuh nempuh ke lohman ah ekalac.
- **Kom fin eis kasuh sin TANF, kom kuh in siyuck kutuh pac mani** kom fin enenuh in muhta ke lohman sayac ke kitin pacl na ke sripen oasr emergency sikyuck.

Fal nuh ke masap luhn acn Merikac ac masap luhn U se inge U.S. Agriculture (USDA), oasr tari akwuck lal, ke USDA, ac u kapasr nuh sel tacl, ofis pucspucs, ac mwet orekma lal tacl, ac u suc oruh orekma kapasr nuh sel tacl ke u in USDA tiac kuh in srisri mwet uh nuh ke kain in mwet fukah se, tunin mwet uh, kel tukuh ke mutunfacl sayac, alu lal, mukul kuh mutan se, fin el oruh luman mukul kuh mutan se (el sokosok in oruh luman mukul kuh mutan), fin el luhngse mukul kuh mutan, el sun mas kuh handicap, el yea ekasr, el payuck, kuh tiac, sucu / el papah se kuh ninac se, mani el eis ke prokram in mwe kasruh, nunuhk luhn politik, ma kai el eis tari kel lain mutunfacl kac, kuh welul prokram pucspucs moli sin USDA (tiac ma nukewa prokram oana sie). Inkanek in fahk ma situu sel tacl ac inkanek in akwoye ma inge kuh in oruh sienna ke kais sie prokram.

Mwet uh suc sun mas ke kun, kuh salong kas kuh in eis etauk ke prokram inge (mwe pupulyuck; Braille, kuh simula ke yohk, recordi kac, Kas ke Mwet Salong Kas- ASL, ac kutu ma pac.) kuh in sun U pucspucs kaspasr nuh ke U ke USDA ke TARGET Center nempuh lal (202) 720-2600 (pusren ac TTY) kuh pangon USDA ke nepuh sin U ke Federal Relay Service ke (800) 877-8339. Oyac pac, etuak kuh in oruh ke kas sayacn kas Merikac.

Ke kom luhngse in fahk lah mwet uh ke prokram inge srisri kom, kom kuh in oruh pwepuh se suc pangpang Program Discrimination Complaint Form, AD-3027, ma tukuh sin USDA ac kom kuh in koneak ma inge ke kom som ne website inge: http://www.ascr.usda.gov/complaint_filing_cust.html kuh kom kuh in eis pwepuh ke ofis lal tacl, kuh simusla leta se suh akuteye ma nukewa ke pwepuh siyuck kac ac supwe ne USDA. Kom fin luhngse in eis pwepuh inge kom kuh in pang (866) 632-9992. Ke kom simuslah leta se kom kuh in supwe ne USDA ke:

1. Pos: U.S. Department of Agriculture
Office of the Assistant Secretary for Civil Rights
1400 Independence Ave, SW
Washington, D.C. 20250-9410;
2. Fax: (202) 690-7442; kuh
3. Email: program.intake@usda.gov

U sin USDA tiac srisri mwet uh ke orekma lal, kuh in sang mwe kasruh kac.

Ke nga simuslah ten, Nga kalem ma kunuk fal nuh ke akwuck sin DSHS in eis mwe kasruh ke prokram pucspucs inge. Nga kalem lah fin nga tiac simuslah pwepuh se inge el tiac kalmen lah nga tiac kuh in eis mwe kasruh inge, tusrukuh nga enenuh in akfalye ma nukewa ke prokram se inge ac fin nga tiac oruh ma inge nga kuh in som acn in nununkuh ac saap som ne kalbus.

SIMUSLAH SIN MWET SUC SIYUCK KASRUH	LWEN	SIMUSLAH SIN MWET SAYAC SUC SIYUCK KASRUH	LWEN
-------------------------------------	------	---	------